

5. novvembri 2018

**V Uma Pido DVDD näüdätäs edimäst kõrda 11. novvembril Võrol**

**Valmis om V Uma Pido DVD. Seod näüdätäs pühapääväl, 11. novvembril kell 16 Stedingu kohvikun Võrol. Filmi pääl omma' 2. juunil Võro Kubijal peet võrokiilse laulupido pääkontsõrt, päävaprogramm, ülekaehus tegemiisist ja sündmuisist, miä olli inne pito. Filmi kokkosäädjä' omma' Tauno Uibo ja Ülle Harju.**

Filmi toimõndaja Ülle Harju ütles, et DVD tegemise kõgõ herksämbä silmäpilgu olli kunnakuurõ pruuvõn, kon oll nätä inemiisi ehsät laulurõõmu ja ütlenlaulmisõ lusti, pääle selle sai kuulda vahvit ütlemiisi nii laulmisõ ku ka pidopidämise kotsilõ.

Stedingu kohvikun kaemi valitud kotussit DVD päält, muusikaga pakk rõõmu Wana Võromaa Wunkorkestri. „Seo om juubõlipido otsi kokkokõütmine ja lämmi vahtsõst kokkosaaminõ Uma Pido sõpruga,“ ütles V Uma Pido kõrraldaja Merike Tigas. Kõik omma' oodõdu, ütlenlõumine om massolda.

**Uma Pido film om katõ plaadi pääl:**

- I plaadi pääl om ütlen intervjuudõga nätä' validu kibõnit matkasar'ast „Määne om seo maa? Kaemi' perrä'!“; kavõrikontsõrdist ja kuurõ' pidos valmissäädemisest; pidopääväl olnust laadast ja tuust, miä sündü inne pito Kubijal;

- II plaadi pääl omma' pido pääkontsõrt ja intervjuu', miä saiva' tettüs simmanil pääle kontsõrti.

Klippi, miä DVDD tutvast tege, saa nätä' lingi päält:

<https://youtu.be/CFFcKd15IFs>

DVD tegemist tugõsi' Võromaa Partnõrluskogo Leaderi ütisprojekti „Vana-Võromaa kultuuriruumi turundamine“ seen, midä tugõ PRIA „Eesti maaelu arengukava 2014-2020“ programmi ja Euruupa maaelu edengi põllumajandusfondi rahast, ja Hasartmängumassu Nõvvukogo.

Kiä taht pito miilde tulõta' ja filmi päält hinnäst ja ummi tutvast-sõpru üles otsi', saa Uma Pido DVDD küssü', saatõn e-kirä meiliaadrõssi [merike.tigas@wi.ee](mailto:merike.tigas@wi.ee) pääle või astõn tüüpäivilde läbi Võro Instituudist (Tartu 48, Võro).

Uma Pido om võrokiilne laulu- ja rahvapido, miä oll' edimäst kõrda 2008. aastal Võrol. Parhillatsõs om sälä takan viis pito, miä omma' olnu vaeldumiisi Põlvan ja Võrol. Vahtsõt pito om jäl uuta **3. juunil 2023** Põlvan. Seo om innekõkkõ Vana-Võromaa rahva, a niisama võrokõisi naabridõ ja sõpru pido, miä avitas meelen pitä' võro keele ja Vana-Võromaa katsa kihlkunna illo ja ummamuudu olõmist, üteliidsi tunda' häädmiilt võrokõisi kuraasist ja ilmanägemisest.

*Võrol näemi!*

Lisateedüs:

Merike Tigas

Uma Pido projektijuht

Võro Selts VKKF

tel 5691 6280

[merike.tigas@wi.ee](mailto:merike.tigas@wi.ee)

Uma Pido kodoleht: [www.umapido.ee](http://www.umapido.ee)

Uma Pido FBs: <https://www.facebook.com/UmaPido-278039651663/>